



**Uunga siunnersuut: Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaata allannagortinneqarnera pillugu Inatsisartut inatsisaat nr. x, xXx 2016-imeersoq. (Saarullit, kullerit, saarulliusaat aamma suluppaakkat akitsuutaat)**

(Aningaasaqarnermut Aatsitassanullu Naalakkersuisoq  
(Siullermeenera)

Demokraatini siunnersuut ilalerparput sulialli ingerlaneranut marlussunnguanik oqaasissaqarpugut.

Ajuusaarnartutut isigaarput inatsit manna pillugut tusarniaranerup sivikippallaarsimanera. Aamma suliffissuaqarfiit isumaqatigaagut oqarmata aalisarnerup iluani akitsuutit nutarternissaannut aaqqissuulluakkamik pilersaarusiornissamut manna ilaaginnartariaqarsimagaluartoq.

Aalisarnikkut inuussutissarsiummi taama pingaaruteqartigisumi pisariaqarluinnaqqissaarpoq aningaasaliisartut sinaakkutitut piumasaqaatinut ilisimasaqareernissaat.

Taamaattumik qilanaarpugut aalisarnermut inatsisip nutarternissaanut aamma qilanaarpugut tamatumani suleqataanissatsinni.

Kissaatigaarput inatsit aalisarnermut ataatsimiititaliami aamma aningaasaqarnermut ataatsimiititaliami suliarineqassasoq aappassaaneerpeqannginnerani.